

Dus plaids ad Eduard Hendry-Luminati †, Cuera

Empriu d'enconuscher hai jeu igl Eduard (1922 - 1996), ch'el vegneva si da Cavorgia ella scola reala a Camischolas. El era vegls tuttina sco miu frar Vigeli. Lu hai jeu forsa varga 10 onns udiu nuot digl Eduard. Entuorn 1946/47 sai jeu mo che miu frar Carli, che steva a Cuera ed era actuar tier la dertgira cantunala, veva giu detg ch'igl Eduard Hendry da Cavorgia, seigi vegnius en tier la polizia cantunala, enzatgei che secapeva buca da sesez da lezzas uras per in um aschi giuven. Pli tard sun jeu mez vegnius en in post ch'jeu havevel da far cun la polizia dad jasters. Entras quei sun jeu lu propi vegnius en contact cun igl Eduard. El era staziunaus per temps el Mesauc e pli tard per temps ella Val Puschlav, danunder ch'era sia dunna ei. Ei era in plascher da s'entupar cun el en fatgs che pertuccavan ils cunfins, seigi quei en caussas d'immi-graziuns, ni en fatgs da cunterbanda (cuncaffè e cigaretas). El enconuscheva il territori cunfinal (cun i valichi - ils trapass scumandai) e la mentalitat dalla glieud. E1 saveva co proceder, saveva scriver bein tudestg e talian ed er'in oratur perschuant. Per mei er'el en quels graus in bien gidonter ed jeu sun perschadius, ch'el era cuntents sch'el pudeva far in survetsch en las fegt heiicias situaziuns da cunfins.

Pli tard eis el staus staziunaus a Cuera, nua ch'el ha fatg vinavon carriera d'in scalem a l'auter. El era tier

la «Fahndung» e veva adina puspei da sclarir cass d'jasters. Eduard haveva in dun per la tscherca da delinquents ed el ei buca per nuot vegnius in dils aults dall'entira «Fahndung» dil Cantun Grischun. Sco pensiunari mava el magari cun siu «töff» ed era in um che fageva bugen turas, mo el ei da giuven enneu staus in bien ed engaschau tira-dur. Sch'el veseva mei enzanua da lunsch ni damaneivel salidava el se-capesccha e tschintschava magari dus plaids. En famiglia ha el giu quitau per ils ses e mirau che ses affons vegnien bein scolai. Eduard, Ti has fatg il Tiu. ruauissa ella pasch dil Segner.

Toni Berther, Tujetsch/Cuera



Eduard Hendry-Luminati
naschius: ils 18-01-1922
mort: ils 08-05-1996